

Date – 29/10/2025

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Mizoram sorkarin Forest Conservation Amendment Act 2023 a pawm tak sut leh tura nawr nan MNF Party in state pum huap Total Bandh an huaihawt chuan thlawp a hlawh that thu MNF Treasurer Pu Lalruatkiman a sawi.
- 2. Union Minister of State Dr Jitendra Singh an BJP chu thil ti tak tak thin, dawt leh thu belh chian dawl lo sawi mai mai lova a taka hna thawk thin an ni a ti.
- 3. Chhath puja hman zawh hnuah Bihar Assembly inthlan campaign chuan a vanglai a thleng leh tan
- 4. Israel sipai thlawhnaten Gaza-ah Palestinian 33 aia tlem lo an kaphlum.

<><><>

TOTAL BANDH CALL OFF

Mizoram sorkarin Forest Conservation Amendment Act 2023 a pawm tak sut leh tura nawr nan tukin dar 6 atang khan MNF Party in Mizoram pum huapa Total Bandh an huaihawt chu vawiin chawhnu dar 1 khan call off a ni.

Vawiin chawhnu dar 12 leh minute 45 khan MNF Treasurer Pu Lalruatkima chuan Hnam Runah thuthar thehdarhtute kawmin, bandh chuan thlawp a hlawh that thu a sawi a,

Mizoram Sorkar ZPM kaihhruaiin Mizoram tana dan tha lo leh hlauhawm tak mai FCAA 2023 Council of Minister-in a lo pawm leh Mizoram Legislative Assembly-a a lo pawm ve duh lohna leh sut leh tura phutna Total Bandh vawiina state pum huap a MNF in a huaihawt chu mipui, sorkar, political party, sorkar hnathawkte leh zirlaiten an thlawp tha hle a a hriat thu leh lawmawm a tih thu sawiin, zing dar 6 atanga chawhnu dar 4 thleng Bandh neih tura ruahmanna awm tawh chu chawhnu dar 1:00 ah Call Off ni se tiin Action Committee in a rel angin, Total Bandh call off a nih thu hi a puang a ni.

Byte: Pu Ruatkima

MNF Treasurer chuan total bandh an huaihawt avanga an eizawna an tihbuai, zin veivak leh damlo zawng zawngte chungah thupha an chawi thu sawiin, Total

bandh huaihawt chu Mizoram Sawrkarin FCAA a pawm an do tawpna a ni lova, a hlawhtlin hma chu an bawhzui zel dawn tih a sawi bawk a ni.

Hetihlai hian, inthlan model code of conduct in a phuar Mamit Dist ah chuan bandh hi neih a ni ve lo a, Mamit MNF Centre Block te chuan MNF party hmalakna a Mizoram pumah FCAA 2023 duh loh lantir nan a Total Bandh neih chu an thlawp tlat tih Mamit MNF Centre Block president Pu H Lalhlengliana chuan a sawi...

...byte....

Mamit ah hian total bandh neih anih ve loh avang hian nunphung a pangngaiin lirthei vei vak te, Sorkar pisa, school leh sumdawnna dawr te pawh a kal pangngaiin a kal a ni.

Akashvani Corr ten District hrang hranga Total Bandh chu mipuiten an thlawp tha hle an ti a, Akashvani Aizawl corr zawhna chhangin Hachhek Bialtu MLA Pu Robert Romawia Royte chuan Mizoram Assembly-in a adopt tak FCAA 2023 chu Mizo hnam tan a pawl avangin Assembly session zawhah MNF Party chuan a resolution chu central sorkar hnenah thlen loh ni se la, sut leh a nih theih nan Special Assembly pawh ko turin Chief Minister leh Assembly Speaker hnenah an thlen a, hmalakna engmah a awm loh avangin vawiin hi an thleng ta tih a sawi a, Pu Robert-a chuan vawiina an Total Bandh huaihawt hi a bultanna a nih thu sawiin, ZPM Party leh sorkar chu ingaihtuah tha a, Special Assembly kova an resolution thiat leh tura hma an lak ngei an beisei thu leh chutiang a thlen theih nan chuan MNF chu an kal zel dawn a ti a, vawiina total bandh an huaihawt hi a hlawhtling hle a a hriat thu sawiin, sorkar pawhin sorkar hnathawkte office kal lui turin a ti lova, sorkar pawhin a thlawp tha hle ah a ngai tih a sawi a ni.

Byte: Robert Romawia

Zarkawt kawn leh Chanmari kawna duty te pawhin Total Bandh chu mipuiin an zawm that thu sawiin, phalna pek sa leh loh theih loh thila chhuak tih loh chu chhuah luih tum an awm lo tih sawiin, Total Bandh tikhawlhkham zawnga chet tum tumah an awm lo chu lawmawm an tih thu an sawi a ni.

MNF General Secretary, FCAA donaa Action Committee-a Secretary ni bawk, Pu David R Lalsawmtluanga sawi danin vawiina Total Bandh an huaihawt hi Political party leh NGO hrang hrang te hnenah thlawp tura an sawm angin thlawpna an dawng tha a, thenkhat chuan tawngkam mai ni lovin ziaak ngeia thlawpna te pawh an dawng tih sawiin, sumdawng pawl hrang hrang te, lirtheia eizawng pawl hrang hrangte, zirlai pawl te leh Mizoram university-a zirlai leh zirtirtute hnen atang pawhin thlawpna an dawng tih a sawi a ni.

<><><>

CONGRESS PR

Congress Party chuan, FCAA chungchangah MNF Party beiin an dodal tak tak a nih chuan he dan siamtu BJP an thawhpuina NDA chhuahsan se an thawhdunna chhuchat ngam rawh se an ti.

Hemi chungchanga vawiina thuchhuah an siamah Congress Party chuan FCAA pawmpuina resolution Mizoram Assembly House-ah ZPM sorkar in a pass chu Mizoram tana pawl tak a nih avangin tha an ti lo tih sawiin, he dan siamtu BJP

leh a thawhpui National Democratic Alliance (NDA) sorkar an dem an ti a, kum 2023 July ni 26 ah FCA Bill Parliament a sawiho a nih khan Congress MP ten nasa takin an dodal a, pass a nih nî khan MNF MP (Lok Ssabha) pawh Parliament-ah BJP te lamah a ðhu ngei a ni, an ti.

MNF chuan CAB an thlawp chhan NE State te a huam ve lo nia an sawi ang khan, FCAA in NE state huamtir ve lo tura an thawhpui NDA sorkar an nawr thlu thei a nih loh chuan, FCAA dan passtu te zingah MNF MP an tel avangin he dan hi do ve thei an ni lo an ti.

Hetihlai hian YMA khawmpuilian Sakawrdaia neihah FCAA huam chin tur international boundary aþanga km 10 nia Chief Minister in a sawi chungchangah thupha a chawi lo a nih chuan thudiklo hmanga FCAA hlauhawmlo anga mipui zirtir tumna niah MPCC chuan a ngai an ti.

<><><>

UNION MOS

Union Minister of State Dr Jitendra Singh an BJP chu thil ti tak tak thin, dawt leh thu belh chian dawl lo sawi mai mai lova a taka hna thawk thin an ni a ti.

Dampa Biala BJP tana campaign tura lo kal Pu Singh a hian vawiin tlai khan BJP Mizoram State Office Upper Republic ah thuthar thehdarhtute kawmin, hmarchhak state dangte anga BJP thlang tling a, BJP sorkarna siam turin Mizoram a sawm a. Central scheme-ten hmun kilkhawr zawk an thlen theih nan te, thalaite tuina lam leh ei zawнна ngelnghet an neih theihna tura hmalakna te, khualzin hipa hma sawнна tak tak a thlen theihna turin hma lak a nih thu a sawi a. BJP chu tumah thliar hrang ngai lo a nih angin Dampa bial by-election ah an lo tling a nih chuan ram chhung hmun dangte angin rualkhai takin hmasawнна hnathawh a ni ang a ti.

Byte: Union Minister Jitendra Singh

Union Minister chuan Prime Minister Narendra Modi chuan hmarchhak bial chu tum 70 chuang tlawh tawhin, Prime Minister awm tawh zawng zawngtena hmarchhak bial an tlawh zat belh khawm aia tam mah a nih thu a sawi bawk.

<><><>

RODENTS

Rawthing tam avanga sazu puangin an thlawhhma a tihchhiatsak kuthnathawktu chhungkaw 5622 an tling tawh.

Agriculture & Farmers' Welfare hotute sawi danin 'Thingtam' ti a vuah, rawthing tam avanga chhungkaw 5622-te hi Mizoram district 11 a khaw 170 a chengte an ni a. Khaw 170 a thlawhhma lakna ram zau zawng hi hectare 7634 point 754 zet a tling a. Sazu puangin a tihchhiat thlawhhma zau zawng hi hectare 2331.154 chuang a tling tawh a ni. Sazu tur kg. 187 chuang department-in an sem chhuak tawh a. Sum indaih lohna avang leh fur a nat em avanga tlawh pawh theih loh khua, sazu tur sem theih lohna a awm nual bawk. Agriculture & Farmers' Welfare department hotute chuan loh theih loh avanga sazu hi tura hrai a ngaih thu an sawi a. Chu tih rualin a huhova sazu hrai kalpui a tha ber tih sawiin, fimkhur erawh a ngai hle an ti a, Sazu thite hi kutkawr bun chung a chhar khawma phum tur a ni an ti bawk.

Rawthing tam avanga kuthnathawktute tawrhna leh hloh hi state specific disaster a puang turin Disaster Management & Rehabilitation-ah ngen mek a ni a. Puan a nih chuan rawthing tamin a hrin sazu puang avanga an buh leh bal leh thlai tam tak chantute hi zangnadawmna pek theih a beisei-awm thu Agriculture & Farmers' Welfare department hotute chuan an sawi a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

BIHAR

Chhath puja hman zawh hnuah Bihar Assembly inthlan campaign chuan a vanglai a thleng leh tan. Vawiin khan NDA leh Mahagatbandhan te chuan hmun rhang hrangah voter te hneh tumin tan an la a. BJP hruaitu leh Union Minister Annapurna Devi chuan vawiin khan Patna ah thusawiin opposition tangrual Mahagatbandhan chu beiin hun kal tawhah an hnathawh an hmuh tawh thu sawiin mipui rilru an hruai kawi tawh dawn lo a ti. Hetihlai hain Mahagatbandhan Chief Ministerial Candidate leh RJD hruaitu Tejashwi Yadav chuan manifesto-a an intiamna te chu an tihhlawhtlin ngei tur thil anih thu a sawi.

Vawiin khan party hruaituten hmun hrang hragnah hun an hmang a. Senior BJP leader Amit Shah chuan Alipur ah thu sawiin NDA sawrkar chuan khawvel hriatah Madhubani lemziak an ti lar hle a ti a, Alipur bakah ihan Amit Shaha hian Samastipur leh Begusarai ah te hun a hmang bawk a ni.

<><><>

GAZA

Israel sipai thlawhnaten Gaza-ah Palestinian 33 aia tlem lo an kaphlum.Israeli Defence Minister Israel Katz chuan Hamas te chu Gaza-a Israel sipaite beiah puhin an mi hrente ruang pekir tura an inremna an bawhchhia a ti a. Hetihlai hian Hamas te chuan he puhna hi an pha thung a ni.

Israel PM Benjamin Netanyahu chuan Gaza ah hian sipai thlawhna hmanga bei turin thu a pe nghal a. Israel Official te chuan Rafah area ah Hamas ten an sipai an beih vanga chhanglet an nih thu an sawi a ni.

<><><>